

**Bosna i Hercegovina**  
**Federacija Bosne i Hercegovine**  
**KANTON SARAJEVO**  
**MINISTARSTVO UNUTRAŠNJIH POSLOVA**  
**UPRAVA POLICIJE**  
**SARAJEVO**

Broj: 02-11-4-3401-11/20

Datum: 13.11.2020. godine

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19, 31/19 i 39/20), člana 72. stav 3. tačka a) Zakona o javnim nabavkama („Službeni glasnik Bosne i Hercegovine”, broj 39/14) i preporuke Komisije za sukcesivne nabavke za potrebe Uprave policije, imenovane Rješenjem broj: 02/5-1-30-1-3751 od 22.09.2020. godine, u postupku javne nabavke itisona za kancelarije, putem konkurentskog zahtjeva za dostavu ponuda, policijski komesar Uprave policije Ministarstva unutrašnjih poslova Kantona Sarajevo, d o n o s i:

**O D L U K U**

**o dodjeli okvirnog sporazuma trećerangiranom ponuđaču**

**I**

Poništava se Odluka o dodjeli okvirnog sporazuma drugorangiranom ponuđaču broj: 02-11-4-3401-8/20 od 29.10.2020. godine za nabavku itisona za kancelarije za potrebe Uprave policije Ministarstva unutrašnjih poslova Kantona Sarajevo, kojom je okvirni sporazum dodijeljen drugorangiranom ponuđaču Interlignum d.o.o. Teslić – PJ Interio Sarajevo.

**II**

Na osnovu člana 72. stav 3. tačka a) Zakona o javnim nabavkama („Službeni glasnik Bosne i Hercegovine”, broj 39/14) u postupku javne nabavke roba provedenog putem konkurentskog zahtjeva za dostavu ponuda – nabavka itisona za kancelarije za potrebe Uprave policije Ministarstva unutrašnjih poslova Kantona Sarajevo, dodjeljuje se okvirni sporazum trećerangiranom ponuđaču Inter-com d.o.o. Zenica za ukupnu cijenu ponude, nakon provedene e-aukcije, u iznosu od 14.800,00 KM bez PDV-a.

**III**

Ponuđači će biti obaviješteni o rezultatima postupka u roku od 7 (sedam) dana od dana donošenja odluke o izboru i dodjeli okvirnog sporazuma trećerangiranom ponuđaču. Prijedlog okvirnog sporazuma o nabavci dostavit će se na potpis izabranom ponuđaču Inter-com d.o.o. Zenica po isteku zakonom predviđenog roka od dana od kada su svi ponuđači obaviješteni o izboru i dodjeli okvirnog sporazuma trećerangiranom ponuđaču.

**IV**

Izabrani ponuđač dužan je da u roku od 5 (pet) dana od dana prijema ove odluke dostavi dokumente navedene u tački 12. tenderske dokumentacije, a koje se odnose na član 45. stav 2. tačka od a) do d). Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od momenta predaje ponude.

**V**

Ova odluka stupa na snagu danom donošenja.

**Obrazloženje**

Na osnovu Odluke broj: 02-11-4-3401/20 od 31.08.2020. godine i Obavještenja o nabavci broj: 16475-7-1-72-3-67/20 od 02.09.2020. godine, proveden je postupak javne nabavke za sukcesivnu nabavku itisona za kancelarije za potrebe Uprave policije Ministarstva unutrašnjih poslova Kantona Sarajevo.

Prema Zapisniku sa otvaranja ponuda, broj: 02-11-4-3401/20 od 21.09.2020. godine, za aktivno učešće u postupku dostavljene su ponude ponuđača Mira - Mar d.o.o. Foča, Elpi Comerc d.o.o. Sarajevo, Inter-com d.o.o. Zenica i Interlignum d.o.o. Teslić – PJ Interio Sarajevo.

Komisija za sukcesivne nabavke za potrebe Uprave policije (u daljem tekstu Komisija) izvršila je pregled i ocjenu dostavljenih ponuda, te sačinila Zapisnik o pregledu i ocjeni ponuda, broj: 02-11-4-3401-4/20 od 13.10.2020. godine.

Pregledom i detaljnom analizom dostavljene dokumentacije ponuđača, Komisija je utvrdila da sve dostavljene ponude sadrže sve elemente tražene tenderskom dokumentacijom, odnosno da ispunjavaju sve formalno – pravne, ekonomske i tehničke uslove, te da shodno utvrđenom kriteriju “najniža cijena”, ispunjavaju sve zahtjeve ugovornog organa, te je u skladu sa obavještenjem o nabavci i u skladu sa odredbama Pravilnika o uslovima i načinu korištenja e-aukcije ista i provedena.

Nakon provedene procedure e-aukcije, kao najpovoljnija ponuda je izabrana ponuda ponuđača: Elpi Comerc d.o.o. Sarajevo.


Odluka o izboru najpovoljnijeg ponuđača i dodjeli okvirnog sporazuma broj: 02-11-4-3401-5/20 od 14.10.2020. godine zajedno sa Zapisnikom o pregledu i ocjeni ponuda broj: 02-11-4-3401-4/20 od 13.10.2020. godine je dostavljena svim ponuđačima u ovom postupku javne nabavke.

U ostavljenom krajnjem roku, izabrani ponuđač Elpi comerc d.o.o. Sarajevo nije dostavio (original ili ovjerenu kopiju, ne starije od tri mjeseca, računajući od dana dostavljanja ponude) potvrdu Suda BiH da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca u skladu sa važećim propisima u Bosni i Hercegovini ili zemlji u kojoj je registrovan, a što je predviđeno tačkom 12. tenderske dokumentacije, te je ugovorni organ u skladu sa članom 72. stav 3. tačka a) Zakona o javnim nabavkama donio odluku o dodjeli okvirnog sporazuma drugorangiranom ponuđaču Interlignum d.o.o. Teslić – PJ Interio Sarajevo.

Odluka o dodjeli okvirnog sporazuma drugorangiranom ponuđaču broj: 02-11-4-3401-8/20 od 29.10.2020. godine zajedno sa Zapisnikom o ponovnom pregledu i ocjeni ponuda broj: 02-11-4-3401-7/20 od 28.10.2020. godine je dostavljena svim ponuđačima u ovom postupku javne nabavke. U ostavljenom krajnjem roku drugorangirani ponuđač Interlignum d.o.o. Teslić – PJ Interio Sarajevo nije dostavio traženu dokumentaciju po članu 45. Zakona o javnim nabavkama BiH, a što je predviđeno tačkom 12. tenderske dokumentacije, te je ugovorni organ u skladu sa članom 72. stav 3. tačka a) Zakona o javnim nabavkama donio odluku o dodjeli okvirnog sporazuma trećerangiranom ponuđaču Inter-com d.o.o. Zenica.

Cijeneći naprijed navedeno, a u skladu sa članom 72. stav 3. tačka a) Zakona o javnim nabavkama („Službeni glasnik BiH“, broj: 39/14), Zapisnikom o ponovnom pregledu i ocjeni ponuda i Izvještajem o toku i završetku e-aukcije riješeno je kao u dispozitivu.

**Pouka o pravnom lijeku:** Protiv ove odluke može se izjaviti žalba Uredu za razmatranje žalbi, putem ovog Ugovornog organa u roku od 5 (pet) dana od dana prijema ove odluke, a u skladu sa članom 99. i 101. Zakona o javnim nabavkama BiH („Službeni glasnik BiH“ broj: 39/14).



**Dostaviti:**

1. Komisiji za sukcesivne nabavke
2. Ponuđačima x4
- ③ Odjeljenju za odnose s javnošću, radi objave na web stranici ovog organa
4. a/a